



أساسيات الطريق إلى الله

الدرس (8) | كيف أخشع في صلاتي ج2



م / علاء حامد

فريق التفریغات

كيف أخشع في صلاتي...؟




الحمد لله أشهد أن لا إله إلا الله وحده لا شريك له وأشهد أن محمداً عبده ورسوله صلى الله عليه وسلم أما بعدُ.

إتكلمنا في المرة الماضية عن الخشوع في الصلاة وقلنا إن إحنا في الطريق إلى الله سبحانه وتعالى **أول واجب عملي**، عمل بدني ينبغي أن ينشغل الإنسان به هو تصحيح الصلاة إقامة الصلوات أصلاً الخمس صلوات وليس بمجرد إقامة الصلاة فإن كثير من الناس يقيم الصلوات الخمس لكن لا ينصلح حاله ولا يشعر بأثر ذلك. تجد كثير من الناس مُحافظ على الصلوات الخمس لكن هي لم تنههم عن فحشاء ولا عن منكر. ولا تعينه على طاعة فلا تجد فيها معاني تحقيق (**وَاسْتَعِينُوا بِالصَّبْرِ وَالصَّلَاةِ**) ولا تجد فيها تحقيق قوله تعالى (**إِنَّ الصَّلَاةَ تَنْهَى عَنِ الْفَحْشَاءِ وَالْمُنْكَرِ**) إحنا عايزين صلاة جديدة. صلاة تانية الصلاة غير الي إحنا بنصليها لذلك كان من أساسيات الطريق إنك إنت تشغل بتصحيح الصلاة وأن تصلي صلاة خاشعة لأن الصلاة الخاشعة توفر عليك كثير، زي ما اتكلمنا المرة الماضية **والصلاة الخاشعة هي الصلاة النافعة**.

الصلاة النافعة إخوانا من الحاجات إلي تشجعك إنك تشغل بالصلاة الخاشعة إنك أنت تعلم أنه لن ينفعك إلا الصلاة الخاشعة فإن النبي عليه الصلاة والسلام وصف الذي يصلي صلاة ليست خاشعة بوصف غريب.

وصفه بأنه عامل زي واحد جعان جعان قوي وحب يأكل فكل ثمرة فما تغني عنه الثمرة فلم يعني تسمن من جوع. فزي بالظبط الي بيصلي الصلاة العادية دي بتاعتنا ومستني منها ثمرة والآثار فقال النبي عليه الصلاة والسلام:

مثل الذي لا يتم ركوعه وينقر في سجوده كمثل الجائع يأكل الثمرة
والثمرتين، لا يغنيان عنه شيئاً



فالذي ينتظر من الصلاة الي إنت بتصليها دي الي هي بسرعة وفيها نقر وفيها كروته وفيها لكلكه وفيها سر حان وفيها إنشغال ذهني تام. منتظر إن دي تصلح لك حالك لا ترجوا ذلك ليست هذه الصلاة التي ينصلح بها الحال.

ليست القضية في الأرقام والأعداد. صلى الخمس صلوات اه في المسجد اه الركعات تماماً منسناش حاجة كل ده تمام لكن دي مقدمة الهيئات دي مقدمة بس، **لكن لب الصلاة هو الإيه؟** هو قضية القلب وقضية حضور القلب من عدم حضور القلب.

لذلك كان حذيفة ابن اليمان يقول كلمة قيمة جداً يقول :

"إياكم وخشوع النفاق قالوا ما خشوع النفاق يا حذيفة؟ قال أن يكون الجسد خاشع والقلب ليس بخاشع". يعني الهيئة هيئة تمام. السنن تمام والهيئات تمام والصلاة شكلها حلو الي يشوفك بتصلي يقول ما شاء الله لكن القلب ليس بخاشع فهذا خشوع النفاق الجسد في حال والقلب في حال إيه؟ في حال آخر.

ورأى بعضهم رجلاً خاشع المنكبين والبدن في الصلاة فقال يا فلان الخشوع ها هنا الخشوع ها هنا وأشار إلى القلب لا ها هنا لا ها هنا وأشار إلى المنكبين. واحد واقف عامل كده ما عارف إنت إيه الجوده مش يعني هي مش كده فين النبي ما كانش يصلي كده يعني كان يقعد يهز في كتفه مثلاً يحط إيدك على قلبك يعني هي مش مش دي قضية مش الشكل قوي اه الهيئة بتلتزم بيها بس بكونك إلزمت بالهيئة الصحيحة حتى كده إنت يعني ماشي بتساعد نفسك لكن مش دي برضو إنت لسه ما وصلتش فضلك إنت تخترع هيئة بقى عشان تساعد نفسك على الخشوع وتفتكر إن هي مشكلتك في الهيئة طب أحط إيدي على قلبي طب أحط إيه؟ طب أعمل إيدي كده طب أعمل كده؟ طب أعمل كده طب أدل دل دماغني جامد قوي شوية يمكن مش هتيجي معاك. يعني هو



الموضوع مش هيئة.. الهيئة الصحيحة بتساعد، تساعد هي مساعد على الخشوع. فما بالك بقى بواحد بيخترع هيئة اصلاً جديدة في الصلاة وفاكر إن هي المشكلة في الهيئة؟ فهذا خشوع الإيه؟ النفاق.

ورأى عمر رضي الله عنه رجلاً طأطأ رقبته في الصلاة. إحنا بنبص لموضع السجود مش كده بس أنا ابص لموضع سجود و رقبتى واقفة عادي يعني رقبتى في مكانها وأنا باصص بعنيا في موضع السجود مش بعمل كده يعني فدي هيئة صحيحة فسيدنا عمر رأى واحد عامل كده إيه في الصلاة بقى وإيه ومدل دل دماغه كده فقال يا صاحب الرقبة ارفع رقبتك يا صاحب الرقبة ارفع رقبتك **ليس الخشوع في الرقاب إنما الخشوع في القلوب.**

عمر رضي الله عنه كان أخشع الناس عمر رضي الله عنه صلى بالناس فقراً بسورة يوسف عليه السلام في صلاة الفجر قال الرجل الذي صلى معه قال فلما بلغ قول الله تعالى **(قَالَ إِنَّمَا أَشْكُو بَثِّي وَحُزْنِي إِلَى اللَّهِ)** بكى عمر واشتد نحيبه حتى سمعنا صوته من خلف الصفوف. يعني الي واقف في آخر واحد في المسجد سمع صوت عمر رضي الله عنه رغم حرص السلف على الكتمان يعني إنت عارف الناس دي كانوا يخافوا أوي من الرياء فأكد هو ده كده صوته بعد ما بيدفع إيه؟ البكاء. يعني هو بيحاول ما يظهرش ده يعني آخر واحد في المسجد سمع صوته وهو بيكتم ما بالك بقى لو عمر لوحده كان عمل في نفسه إيه؟ فهذا حالهم أمام الناس.

ومعلومة أن السلف كانوا أمام الناس أقل من حالهم مع أنفسهم. كذلك أبو بكر رضي الله عنه لما قال النبي عليه الصلاة والسلام: **"مُرُوا أَبَا بَكْرٍ فَلْيُصَلِّيَ بِالنَّاسِ، فَقَالَتْ عَائِشَةُ: يَا رَسُولَ اللَّهِ إِنَّ أَبَا بَكْرٍ رَجُلٌ أَسِيفٌ إِذَا صَلَّى لَمْ يُسْمَعْ النَّاسُ مِنْهُ شَيْئًا مِنْ شِدَّةِ بَكَائِهِ فِي الصَّلَاةِ"**. ده بقى سيدنا أبو بكر الصلاة كلها من أولها كده ما حدش يعني الناس مش هتفهم هو هيقرا إيه أصلاً هو بيصلي لوحده ماشي هو فاهم هو بيقول إيه



لكن لو صلى بالناس ما حدث هيفهم حاجة من شدة بكاء أبو بكر رضي الله عنه في الصلاة.

كان أبو بكر إذا صلى وحده إجتمع الناس حوله من غرابة منظره حتى الكفار يقعدوا يتفرجوا عليه كان شخص عجيب جداً إذا صلى أبهر الناس بصلاته رضي الله عنه وأرضاه.

أنا عايز أقول لك سيدنا عمر ده اللي كان بيصلي الصلاة الخاشعة دي عائشة رضي الله عنها رأت شبابا يمشون و يتماوتون في مشيتهم. ماشي بقى إيه عامل نفسه إيه خاشع عامل نفسه زاهد فماشى إيه عامل كده إيه مدلدل نفسه كده وحالته بالبلا يعني. فقال قالت يعني لمن كان معها من هؤلاء؟ ميتين ليه كده ليه يعني؟ فقالوا هؤلاء النساك العباد دول الزهاد. ايوة مين دول نساك إيه! هم عاملين كده ليه يعني؟ طب مال النساك؟ إيه علاقة النساك بالمشية دي يعني؟ هم ليه ماشيين كده؟ فقالت كان عمر بن الخطاب. إيه اللي انت فيه ده هو إيه علاقة ده بالخشوع؟ الخشوع خشوع القلب.

قالت: **كان عمر رضي الله إذا مشي أسرع وإذا قال اسمع وإذا ضرب أوجع وإذا أطمع أشبع وكان هو الناسك حقاً** كلام كدام مش ميت كدا.. ولا تمشي ميت ليس هناك علاقة بين طريقة المشية دي وبين الخشوع. كان الفضيل.

قال الفضيل ابن عياض: **"كان يُكره أن يُرى الرجل من الخشوع في هيئته أكثر مما في قلبه"**. أكثر مما في قلبه.

فقال حذيفة: **"رُبَّ مصلٍ لا خير فيه. ويوشك أن تدخل الجماعة فلا ترى فيهم خاشعاً"** فلا ترى فيهم خاشعاً سبحانه الله كلامهم عجيب جداً.

ورأى أحد السلف رجل يعبث في لحيته في الصلاة فقال: **لو خشع قلب هذا خشعت جوارحه** **إعكس بقى يعني خشوع الجوارح لا يدل على خشوع القلب** ولكن خشوع القلب لا بد أن يكون معه خشوع الإيه؟ الجوارح.

قد تكون الجوارح خاشعة والقلب ليس بخاشع لكن لا يمكن أن يكون القلب خاشع والجوارح ليست خاشعة.

يعني مفيش واحد يتحرك في الصلاة يلتفت. بس يقول لك بس المهم الإيه؟ المهم القلب أقول له لا لو كان القلب خاشع لخشعت الإيه؟! الجوارح. لكن كون الجوارح خاشعة مش دليل أن القلب برودو إلى الآن إيه؟! خاشع

لكن لو كانت لو كان القلب خاشع لكان لابد أن الجوارح خاشعة، خاشعة قال عطاء الخشوع عن علي ابن أبي طالب الخشوع ألا تلتفت يمينا و لا شمالا فالقلب إذا خشع تسكن خواطره وإراداته الرديئة التي تنشأ من إتباع الهوى وينكسر ويخضع لله فيزول بذلك ما كان فيه من التعاظم والترفع والتكبر ومتى سكن ذلك في القلب خشعت الأعضاء والجوارح والحركات كلها حتى الصوت وقد وصف الله تعالى الأصوات بالخشوع في قوله (وَحَشَعَتِ الْأَصْوَاتُ لِلرَّحْمَنِ) فخشوع الأصوات هو سكونها وإنخفاضها بعد إرتفاعها.

إذاً مربط الفرس في خشوع القلب هو مربط الفرس في خشوع الصلاة وخشوع القلب. **طيب كيف يخشع القلب؟** المسألة مسألة مهمة لأن إحنا المرة اللي فاتت بدأنا إيه؟ إتكلمنا عن فضل الخشوع وإتكلمنا شوية وبعد كده إتكلمنا عن المعاني في الصلاة.

أنا النهاردة قبل ما أكمل معاني الصلاة برجع لك وراء شوية عايز أقول لك إن الموضوع مش بيبدأ داخل الصلاة. **موضوع الخشوع ده شغال معاك على طول في مشيتك وفي كلامك وفي حياتك،** يعني هي الصلاة مجرد أنت بتزود بس تركز شوية لكن مفيش حد قلبه ليس بخاشع لله خاضع لله وعايز يخش الصلاة مهما تكلفت هيبقا موضوع صعب جداً إنك إنت تحصل صلاة خاشعة وأصلاً القلب ليس الطبيعي بتاعه إن هو خاشع، فخشوع القلب مش بيبدأ في الصلاة خشوع القلب دي حالة ملازمة ليه إلى الأبد.



لذلك قيل لبعض السلف أيسجد القلب؟ يعني البدن يسجد؟ اه. إحنا عارفين قال هل يسجد القلب قال نعم يسجد تحت العرش سجدة لا يقوم منها إلى قيام الساعة لا يقوم منها إلى قيام الساعة يعني إلى أن يموت. فالقلب يسجد بسجود القلب دي مش حالة مش بتحصل مثلاً أو هيئة بتكلفها في الصلاة بل سجود القلب يعني خشوعه وخضوعه وإنقياده لله هذه حالة ملازمة له فإذا دخل الإنسان الصلاة ركب مركب خشوع القلب ؛ فكان يسهل عليه الإيه؟ إن قيل بقى الجوارح هتبقى الأمر بها إيه ؟ تركيز ده يبقى سهل. فالي عايز أقول لك إن مشروع الخشوع في الصلاة مش مشروع بيداً من تكبيرة الإحرام. ولا حتى بيداً من الوضوء. بل هو بيداً قبل ذلك من إصلاح القلب. كيف يصلح القلب؟

إنما يصلح القلب إذا عرف الله

فكلما عرف العبد ربه أكثر كان أشد له تعظيماً وإجلالاً. وبالتالي يجد في قلبه السكينة دائماً والخضوع لله والخشوع فكلما عرفه بالعظمة والجلال والكمال كان له أخشع. ويتفاوت الخشوع في القلوب بحسب تفاوت معرفتها لمن خشعت له وبحسب تفاوت مشاهدة القلوب للصفات المقتضية للخشوع.

يعني من جلال الله ومن كرمه ومن عطائه ومن منه ومن جماله ومن جوده سبحانه وتعالى مما يعينك على إحنا قلنا مما يعينك على إيه؟ على الخشوع أن تعلم أن الصلاة النافعة فقط هي الصلاة الإيه؟ الخاشعة وإن اللي بيصلي صلاة مش خاشعة عامل زي الجعان إالي بياكل ثمرة لا تغني عنه شيئاً كذلك اللي بيصلي صلاة ليست خاشعة وهو عايز يلتزم، يقول لك أنا الحمد لله بصلي من زمان بس يا شيخ إن أنا ما التزمتش حاسس إن أنا مش كويس حاسس إن أنا لسه بعيد عن ربنا، مش هنقول التزمت نقول المشكلة في الصلاة أبدأ بالصلاة وبعد كدا نتفاهم .

طالما لم تصلح الصلاة يبقى ما تتوقعش إنك إنت تسير بسرعة في الطريق إلى الله.

تكون سرعتك بطيئة جداً.

سرعتك في الطريق إلى الله على قدر الخشوع في الصلاة.

يعني إنت بتخشع في الصلاة مثلاً قد إيه؟ عشرة في المية فيها. يبقى إنت ماشي مثلاً مثلاً بسرعة عشرة كيلو في الساعة. 20٪ عشرين كيلو في الساعة 50٪ خمسين كيلو مية في الساعة تبقى بتطير كده إنت ماشي على مية كيلو في الساعة وبالتالي يكون وصولك إلى الله أسرع بكثير من ابو 50 و ابو 40 من ابو 10.

(يخرج الرجل من صلاته وما كُتِبَ له إلا نصفها ربعها ثلثها خمسها سدسها حتى قال النبي عليه الصلاة والسلام وما يكتب له إلا عُشرها) ده يساعدك برضو على الخشوع أنك تعلم أنه لا يكتب من صلاة المرء إلا ما عَقِلَ فيها. يعني اللي إنت بتركز فيه بس هو ده اللي اتكتب لك تقول طب والباقي؟ هتسأل عليه **طب إيه الحل؟ كُتِرَ من نوافل بقي** ده الحل لغاية ما ربنا يكرمك والصلاة تبقى كاملة.

إنك أنت هتسأل عن هذا الخشوع وحضور القلب فتسأل الصلاة خلصت هي الصلاة سقطت منك كاداء لكن المطلوب ما حصلش المطلوب الكامل ما حصلش لذلك شُرعت النوافل قبل الصلاة وبعد الصلاة فكثر من النوافل وأنت بقي إيه في المرحلة في أثناء مع عملية التجهيز دي مشكلة إن يتكتب لك عُشر الصلاة بس دي مشكلة كبيرة. مما يعينك أيضاً على الخشوع أن تعلم أنك أن هذه الصلاة هدية إلى الله سبحانه وتعالى.

فأنظر في هديتك إلى هذا الملك العظيم قال بعض السلف الصلاة كجارية تُهدى إلى ملك من الملوك زي واحد كده أهدي جارية لملك قال فما ظنكم برجل أهدي إلى ملك جارية شلاء عوراء عمياء مقطوعة اليد والرجل دميمة مريضة قبيحة. **ما ظنكم بهذه الهدية تُهدى إلى ملك؟ ما يفعل ملك بهذه الهدية؟** جاب له واحدة إيه؟ ده بتاع واحدة مشلولة وبتعالج على نفقة الدولة مكسحة وحولة واخد بالك يعني حالتها صعبة جداً



قاله دي هديتي إليك أيها الملك. إيه رأيك؟ ف الملك يعمل فيه إيه؟ يرده لا يقربه. يعني لو الملك ده راجل كويس قوي يعني هيقول له هات وخلاص والراجل ده هيتمسح من حياته خلاص هي مش هيعاقبه بس إيه هيمسحه. لن يقربه أبداً ولن يسبغ عليه نعم ولا فضائل ولا شيء أنه هو أهانه بهذه الإيه؟ الهدية **فكذلك الصلاة يهديها العبد ويتقرب بها إلى الرب جل في علاه.**

والله طيب لا يقبل إلا طيبا فاذا كانت الصلاة بلا روح فهي أسوأ من الجارية العمياء الشلاء فدي بلا روح أصلا وروح الصلاة الإيه؟ الخشوع. مما يعينك أيضاً على الخشوع أن تستحضر أن هذه معركتك مع الشيطان وأن الشيطان قد قعد لك كل مقعد في الصلاة كما قال النبي عليه الصلاة والسلام:

" إِذَا أَدْنَى الْمُؤَذِّنُ، أَدْبَرَ الشَّيْطَانُ وَلَهُ ضُرَاطٌ حَتَّى لَا يَسْمَعَ التَّأَذِينَ، فَإِذَا قُضِيَ التَّأَذِينَ أَقْبَلَ، حَتَّى إِذَا ثُوبَ لِلصَّلَاةِ أَدْبَرَ، حَتَّى إِذَا قُضِيَ التَّوْبِ أَقْبَلَ، حَتَّى يُخْطِرَ بَيْنَ الْمَرْءِ وَنَفْسِهِ يَقُولُ: اذْكُرْ كَذَا، واذْكُرْ كَذَا لَمْ يَكُنْ يَذْكُرُ مِنْ قَبْلُ حَتَّى يَظَلَّ الرَّجُلُ مَا يَدْرِي كَمْ صَلَّى فَيَذْكُرُهُ مَا لَمْ يَكُنْ يَذْكُرُ "

ودي من الحاجات المفيدة إما حاجة مثلاً عايز تفتكرها أخش أصلي. هتلاقي نفسك افكرتها على طول دا كان بعض السلف أحياناً بيعمل كده ويقول اذكر كذا اذكر كذا لما لم يكن يذكر حتى يكون الرجل لا يدري كم صلى لا يدري كم صلى. فاذا وجد أحدكم ذلك فليجلس سجدتين **يعني اللي هم سجدتين الإيه؟ السهو** وصف النبي أنها ترغيم للشيطان لكن إنت عايش في معركة. يعني لدرجة إن أنت تطلع من الصلاة مش عارف صليت ثلاثة ولا أربعة ده بيحصل كثير أوي والسؤال عن السؤال عن سجود السهو ده صار يعني سؤال كثير جداً ما أحد تقابله إلا أسألك في السهو هذا دل على الدمار الشامل في إيه في قضية الصلاة. النبي عليه الصلاة والسلام يمكن سهي مرتين ثلاثة في حياته كلها في الصلاة واخذ بالك إحنا بقى إيه مفيش صلتين في ناس أصلاً بعد كل



صلاة يروح ساجد سهو يقولك إحتياطي. إيه إحتياطي ده يقولك بس أنا مش فاكّر أصل عملت إيه أنا مش عارف نسيته ولا يعني هو مش عارف نفسه ولا منساش في واحد يقول إيه يا شيخ لو واحد نسي يسجد سجود السهو يعمل إيه طب؟ أقول إيه ده إنت فين يعني؟ هو نسي ونسي هيسجد سهو وطالعة كده ومشى بعد كده يومين إفتكر إن هو نسي ونسي يسجد السهو يعني كان في الصلاة هيسجد السهو كان هيقول لنفسه كده على آخر الصلاة كان نفس الموضوع ده أصلاً وطلع من الصلاة في ناس ممكن يصلي مثلاً صلاة إستخارة يسلم ويقوم نسي أنه هو أصلاً كان بيصل كان بيصلي إستخارة وما دعاش.

حصلت معايا مرة سهيت خالص في الصلاة صليت ركعتين تمام وكل حاجة أنا أصلاً بصلي إستخارة سلمت ومشيت طب إيه ده أنا شارب حاجة ولا إيه أنا أصلاً بصلي إستخارة والله المستعان يعني الواحد يعني بيقول كده عشان يعني ما بيقاش يذمكوا انتوا يعني إنما واحد يذم نفسه يعني بيحصل فعلاً دي حاجة عجيبة جداً يعني إنت أصلاً إنت اللي محتاج يعني كمان ساهي ربنا يرحمنا ويغفر لنا يا رب فأنت بتستحضر المعركة اللي مع الشيطان الشيطان داخل لك في الصلاة يا إنت يا هو فلازم تخش في النفسية دي بقى نفسية الإيه؟ فيك **إنت داخل معركة مش داخل صلاة وفي واحد يسرق منك إنت** ... يا إخوانا لو حاطط لو معاك حاجة غالية هتخطها قدامك صح شبشب ولا ،قصدي يعني موبايل ولا ولا ساعة غالية ولا هتخط قدامك وممكن تخط فردة في حته وفردة في حته في المسجد عشان متسرقش ولا بتاع تاخذ إحتياطك أوي عشان محدش يسرق منك لا موبايل ولا جاكيت ولا جزمة ولا بتاع طب في بقى الصلاة نفسها بتسرق إهتميت بكل شيء وسبت أهم حاجة إتسرفت منك اللي إنت داخل عشانه أصلاً إتسرق منك وطلعت إنت الحمد لله بالموبايل والجزمة وكله تمام ولا إي وليس لك من الصلاة شيء اللي هو إنت أصلاً دخلت تعملها فأولى إنك إنت تحمي صلاتك من هذا اللص أولى من إنك إنت تحمي من لص الجزمة ولص الإيه؟ الموبايل.



مش كده؟ لذلك ايضاً أن يديم الانسان على استحضار السيئات في محورين مهمين جداً تمشي فيهم في الصلاة دول لو ظبطتهم هتلاقي الصلاة حلوة أوي **إستحضار السيئات وإستحضار النعم** من الاثنين مع بعض تستحضر تفريطك في حياتك كلها. وقبل إلزامك وبعد إلزامك تستحضر كم النعم اللي ربنا أنعمها عليك.

لو إنسان عمل الاثنين دول مع بعض تكون صلاة قيمة جداً.

فداوم على إستحضار السيئات فإن هذا يجعل لك كسرة في الصلاة ليس لها مثيل

ورد عن الامام احمد قال ذكر أثر في كتاب الزهد أن رجل دخل أراد أن يدخل المسجد كان في أحد الإييه؟ الأزمنة يعني نبي آخر يعني وكان له مسجد يعني المكان العبادة بتاعهم يعني إن رجلاً أراد أن يدخل مسجد فوقف على باب المسجد ثم نظر وقال أو مثلي يدخل بيت الله أو مثلي يدخل بيت الله **فأوحى الله إلى نبي هذا الزمان أن فلاناً قد كتب في مكانه صديقاً**. اللحظة دي إكتب عند الله من الصديقين لانه أذري لنفسه ورأى أنه لا يليق أن يقف أمام الله سبحانه وتعالى وقد حمل هذه الأوزار **فحدثني عن هذه الصلاة**.

تحيل بقى الصلاة دي عاملة إزاي يا إخوانا؟ واحد أصلاً من باب المسجد. من باب المسجد حاسس إن أنا ما ينفعش اخش المسجد أصلاً. مثلي لا يدخل المسجد. مثلي لا يليق أن يقف امام الله. طب ده بقى الصلاة بتبقى عاملة إزاي؟ ما احنا اصلاً بنبتي يعني نفوق في الركعة الثالثة ده فاهم من امتى ومركز من إمتى؟ مش قولتلكوا قبل كدا الحسن إذا توضع إصفر وجهه صح؟ فقالوا ما لك قال مالك؟ فقال أتدرون بين يدي من؟ سأصلي؟ طب رايح فين؟ لمن؟ إنتم نايمين ولا إيه؟ الناس بتبقى مركزة خاشعة من الوضوء وده على باب المسجد يقوها يخش إزاي؟ فكتب صديقاً في المكان ده قبل الصلاة إكتب صديق او مال بقى بعد الصلاة بيحصل إيه؟ ده جو تاني.

إستحضار النعم يؤدي للحياء



لذلك النبي عليه الصلاة والسلام كان يجمع بين الإيتين في الأذكار يقول سبحانه اللهم ربنا وبحمدك اللهم اغفر لي فبحمدك ديت يذكر بها النعم وبعد كده يذكر السيئات فيستغفر عليه الصلاة والسلام وكان يقول ربنا و لك الحمد حمداً كثيراً طيباً مباركاً فيه مباركاً عليه كما يحب ربنا ويرضي وقال جل في علاه **"فَاذْكُرُوا آلَاءَ اللَّهِ لَعَلَّكُمْ تُفْلِحُونَ"** فإذا أكثر الإنسان ذكر النعم كان ده مدعاة لأن يصلي صلاة فيها حياء إنك إنت تستحضر إنك إنت الآن تقف أمام هذا النعم وإنت أصلاً جاي بالسيئات لذلك نقول إن من أعظم أسباب الخشوع في الصلاة أن يجمع الإنسان بين المقامين مقام ذكر السيئات وما يقدم لله تعالى ومقام ذكر النعم وما يأتيه من الله سبحانه وتعالى فله خشوع وإخبات قلب كان في صلاته بين ذكر سيئاته وذكر نعم ربه عليه؛

لذلك قال رجل لأبي تيممة:

كيف أصبحت قال أصبحت بين نعمتين لا أدري أيتهما أفضل. ذنوب سترها الله فلا يعيرني بها أحد ومودة قذفها الله في قلوب العباد لا يبلغها عملي

وقيل لأحدهم:

كيف أصبحت؟ قال أصبحت وبنا من نعم الله ما لا يُحصى مع كثير ما يُعصى فلا ندري على ما نشكر على جميل ما نشر أم على قبيح ما ستر

كلام جميل قيل لأحدهم:

كيف أصبحت قال أصبحت وبنا من نعم الله ما لا يُحصى مع كثير ما يُعصى فلا أدري على ما أشكر أجميل ما نشر أم قبيح ما ستر؟



فالإنسان لما جمع المقامين دول دخل الصلاة بالجودوت أن يذكر نعم ربنا عليه كلها ويذكر بقى على النقيض هو بيعمل إيه مع ربنا من المعاصي فتكون صلاة خاشعة وفيها كسرة قلب وفيها حياء وفيها ذل وخضوع هيطلع الحمد جميل والاستغفار جميل ويعينك ذلك على تدبر جميع أحوال الصلاة من أجمل المقامات الخشوع في الصلاة خشوع.

عُروة ابن الزبير رضي الله عنه وأرضاه.. عُروة ابن الزبير ابن العوام هو من سادات العُباد والزُّهاد كان في إصابة أكلة في رجله يعني غرغرينا وامتدت حتى بلغت ساقه فذهب إلى أطباء، وقالوا أنت تحتاج إلى أن تقطع رجل مفيش حل غير كده. قال لهم خلاص هنعمل إيه يعني. قالوا لا بد أن تشرب دواء حتى لا تشعر بشيء قال ما يفعل الدواء. قال يُذهب عقلك قال لا خير في شيء يُذهب العقل قالوا له إيه الحل؟ ما لازم نشتغل قال لهم طيب دعوني أصلي دعوني أصلي فاذا بدأت في الصلاة فاعملوا ما تريدون بالفعل بدأ رضي الله عنه و أرضاه يصلي وبالفعل بدأ الطبيب يقطع رجلهم حتى قطعها وعُروة لا يشعر بشيء فلما إنتهى الأمر ولما نظر إلى رجله بعد الإنتهاء قال اللهم إنك تعلم اني ما مشيت بها إلى حرام قط ما مشيت بها إلى حرام قط في نفس اليوم.

دوت ابنه مات ضربه حصان كده رفسه ومات فبلغه ذلك فقال إنا لله وإنا إليه راجعون فجاءه الناس يعزونه في رجله وفي ابنه فقال اللهم إنه كانت لي أربعة أطراف فاخذت واحداً وأبقيت لي ثلاثاً وكان لي سبعة أولاد فأخذت واحداً وأبقيت ستاً فاللهم إن كنت أخذت فكم أعطيت وإن كنت ابتليت فكم عافيت فتخيل صلاة الراجل ده الراجل ده كانت بتبقى عاملة إزاي؟ وده حاله مع البلاء ومع المصائب اللهم اجعلنا منهم دي كده إيه دخلة. كده المفروض نكمل بقى نكمل الصلاة.

إحنا آخر مرة وصلنا في الصلاة وصلنا إلى الحمد لله رب العالمين إتكلمنا المرة اللي فاتت عن الإستعاذة بالبسملة إتكلمنا من أول الوضوء لغاية كل حاجة بقى لغاية ما



وصلنا إلى الحمد لله رب العالمين وقلنا إن الصلاة هي الفاتحة هي أعظم سورة في كتاب الله وهي أعظم نعمة على النبي عليه الصلاة والسلام "وَلَقَدْ آتَيْنَاكَ سَبْعًا مِّنَ الْمَثَانِي وَالْقُرْآنَ الْعَظِيمَ لَا تَمُدَّنَّ عَيْنَيْكَ إِلَىٰ مَا مَتَّعْنَا بِهِ أَزْوَاجًا مِّنْهُمْ وَلَا تَحْزَنْ عَلَيْهِمْ وَاخْفِضْ جَنَاحَكَ لِلْمُؤْمِنِينَ" فهذه السورة أعظم سورة علي الإطلاق وهي السورة التي يُحببك رب العزة فيها في كل آية فاذا قالها العبد قال النبي عليه الصلاة والسلام قال الله قسمت الصلاة بيني وبين عبدي نصفين فإذا قال العبد **الحمد لله رب العالمين** قال الله : حمّدي عبدي وإذا قال العبد الرحمن الرحيم قال الله : أثني عليّ عبدي فإذا قال **مالك يوم الدين** قال مجّدي عبدي وإذا قال **إياك نعبد وإياك نستعين** قال : هذا بيني وبين عبدي ولعبدني ما سألت فإذا قال **"اهدنا الصراط المستقيم صراط الذين أنعمت عليهم غير المغضوب عليهم ولا الضالين"** قال هذا لعبدي ولعبدني ما سألت وهو يُشرفك في كل مرة يُحببك فيها بهذا اللقب العظيم **"عبدى"**

؛ لذلك من السُّنة أن الإنسان يفصل بين آيات الفاتحة، ومن الجمال أن يسكت لحظة بين الآيات وكأنه يعني يُسمع يعني أذن قلبه إجابة الرب سبحانه وتعالى. يُسمع أذن قلبه. فإنه لا لن يسمع ذلك بإذنه ولكن يشعر بذلك أن الله الآن يقول مجدي عبدي يقول حمّدي عبدي فيتلذذ بالصلاة ويتلذذ بالفاتحة ويود لو أنه كررها.

ولكن هي إنما تُقال في الركعة مرة واحدة. فاذا بدأ في الفاتحة وقال الحمد لله رب العالمين يحضر له في هذا المقام كل نعمة أنعمها الله عز وجل عليه. من الدين والدنيا لأن الناس في العادة لا تذكر إلا النعم الدنيوية فيذكر الأولاد والمال والمنصب والشهادة وينسي أخطر من ذلك بكثير النعم الدينية أنه مسلم نعمة كبيرة **"رُبَمَا يَوَدُّ الَّذِينَ كَفَرُوا لَوْ كَانُوا مُسْلِمِينَ"** أنت الآن مسلم وهذه ستكون أعظم أمنية للكافرين يوم القيامة قال تعالى **"الْيَوْمَ أَكْمَلْتُ لَكُمْ دِينَكُمْ وَأَتْمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا"** انت تقول في الفاتحة التي تقرأها تقول صراط الذين إيه؟ أنعمت عليهم بما أنعم الله عليهم



أنعم عليهم بالهداية الصلاة نفسها التي أنت تصلّيها نعمة ولا يُوفّق إليها إلا من اصطفاه الله واختاره وأنعم عليه وقبّله أن يكون أن يقف بين يديه جلّ في علاه تتذكر بقى النعم دي وتتذكر النعم الدنيوية وتتذكر يعني كم لطفه سبحانه وتعالى السمع البصر الفؤاد كل هذه الأشياء إذا إستحضر العبد في قوله الحمد لله حضره حضور القلب في قول الحمد لله قول النبي عليه الصلاة والسلام: **الحمد لله تملأ الميزان .**

وقال عليه الصلاة والسلام: **أفضل الدعاء الحمد لله فإذا كان قول خارج الصلاة الحمد لله يملأ الميزان فكيف الحال إذا قيلت داخل الصلاة** فيشعر العبد أيضاً أن الكلمة التي يقولها الحمد لله هذه كبيرة جداً عند الله خارج الصلاة تملأ الميزان فكيف الحال إذا خشع وكانت داخل الصلاة جمع أن هي داخل الصلاة وكان مع حضور قلب لا شك أنها أعلى بكثير من أن تُقال خارج الصلاة. ثم بعدما يحمّد الله على هذه النعم يستحضر أن هذا الحمد هو نفسه نعمة. وأن الله هو الذي وفقه.

وهو الذي إصطفاه وإجّتباه. ذلك ورد في بعض الآثار أن الله قال يا داود يعني احمّدي فقال يا ربي كيف أحمّدي وحمّدي نعمة تستلزم حمداً أو قال قال يا داود اشكرني فقال كيف أشكرك وشكرك نعمة تحتاج إلى شكر فقال الآن شكرتني يا داود.

لو فهمت الموضوع ده يبقى إنت وصلت كده إنك إنت **لا أحصي ثناءً عليك أنت كما أثنيت على نفسك.**

لا يستطيع أحد أن يوفي مقام الحمد أبداً فتخيل حالك وأنت تقول الحمد لله وأنت تشعر إن حتى الكلمة دي مش قادر فيها حقها. دي أول طلعة بس. طلعة حياء. طلعة حياء. وإنكسار بين يدي الكريم الوهاب سبحانه وتعالى. فتشكره على نعمه. نعمه التي تترا. والنعم التي لطف بك. بقى في بقى بص كل واحد هنا بيفتكر النعم اللي حصلت



سواء دينية ودنيوية في بقى كمية نعم ربنا بينعم عليك إنت محستش بها كثير وهي لطف الله بك.

حاجات كثير حصلت في الخفاء إنت متعرفهاش بس تأكد أنها حصلت كثير حاجات كثير حصلت ما حستش بيها كم **صرف عنك من سوء وأنت لا تدري كم دفع عنك من حسد؟ وأنت لا تدري. كم دفع عنك من كائد وماكر وساحر؟ وأنت لا تشعر.** إنت شغال بتقول أذكار صباح أذكار مساء ولا عارف إيه اللي بيحصل لك. في كم من المصائب دفع عنك وأنت لا تدري " **لَهُ مُعَقَّبَاتٌ مِّنْ بَيْنِ يَدَيْهِ وَمِنْ خَلْفِهِ يَحْفَظُونَهُ مِنْ أَمْرِ اللَّهِ** ".

فكم أرسل اليك ملك يحميك وأنت لا تدري ففي بقى كمية نعم كده إنت بتتخليها بس إنت مش عارفها بس إنت متأكد إن هي حصلت هذا يزيدك حياء إن في حاجات كثير أوي إنت حتى كمان مش عارفها طب سأحصي الحمد إزاي إذا كان في نعم كثير أنا أصلاً مش عارفها رب العالمين هذا ربك الذي تعبده رب العالمين رب الإنس والجن وكل عالم عالم الطيور والحيوانات والحشرات وما علمنا وما لم نعلم هذا ربك الذي تعبده وتدعوه فتستحضر القوة هذا إلهي الذي أعبدته هو الذي يدبر ويرزق ويحي ويميت يحيي الأبدان ويحيي القلوب يميت الأبدان ويموت القلوب هو الذي يهدي ويُعافي ويرزق هو الذي يحكم ويملك رب العالمين؛ فتفتخر أنك الآن تقوم بين يديه وتستشعر أن كل شيء هين عليه مشكلتك سهلة عليه هدايتك سهلة عليه المآزق اللي إنت فيها سهلة عليه لكن أن تتقن فقط الحمد وتوكل على الله سبحانه وتعالى.

ثم تنتقل إلى مقام الرجاء العالي الرحمن الرحيم فمقام الحمد مقام حياء مقام رب العالمين مقام إجلال وثقة بعد كده أخش بقى هذا رب العالمين لا يعظم عليه ذنبك فانتقل بقى طالما إتطمنت لكده قل الرحمن الرحيم إذا كان ذنبي ليس عظيماً عليك فارحمني وعافني واقلبني وتبدأ بمقام الإيه؟ العطف دوت وإستجداء الرحمة لأنك



إنّ محتاج تنصف قبل ما تخش على الملك فلن يعني يرق قلبك في الصلاة إلا إذا طهر ولن يطهر إلا إذا رحمك وإذا غفر لك ويعني أزال من قلبك آثار الذنوب والمعاصي فهذا مقام الإيه؟ **مقام الرجاء** إحنا عندنا مقام الرجاء في مقام الحياء ومقام التمجيد ومقام الرجاء ومقام الخوف الي هو مالك يوم الدين ده مقام الخوف فيجمع العبد في أول الفاتحة بين الحياء والثقة والتوكل والرجاء والخوف ده أول 3 آيات بس. (الرحمن الرحيم) فاستشعر أنه رحمك اصلاً بوقوفك بين يديه فاطلب منه الرحمة والعفو فإن رحمته وسعت كل شيء. ألا تسع ذنوبك!!!

(مالك يوم الدين) هنا بقى تستشعر أن الله يقول مجدي عبدي يبقى تعرف أن المقام هنا مقام إيه؟ مقام تمجيد وتعظيم وطالما هو مقام تمجيد وتعظيم هو مقام خوف.

(مالك يوم الدين) خاصة الملك بيوم الدين عشان يفكرك بالحساب فإذا ذكر الإنسان يوم الدين في الصلاة كان حري أن يحسن الصلاة وأن يتقي الله في الصلاة فإن الله سيحاسبه على الخطرات والأفكار وماذا قدم وماذا فعل في الصلاة سيستحي ويذكر هذا المقام بين يدي الملك العلام فينظر ماذا قدمت يداه.

(مالك يوم الدين) فإذا كان هو مالك كل شيء فلا يعظم عليه شيء سبحانه وتعالى تأمل وأنت تقرأ هذه الآية حالك يوم القيامة كيف تكون أفزع ما تكون وأحوج ما تكون إلى الأمن و أخرى ما تكون وأحوج ما تكون إلى الستر وأعطش ما تكون وأحوج ما تكون إلى قطرة ماء وأشد ما تكون ألماً حتي يتمني البعض لو انتهى الموقف ولو إلى النار أنت في أبأس حالاتك وترجو الوصول إلى الجنة الكل يتنكر لك حتى أبوك وأمك ولا يملك انقاذك من كل هذا إلا مالك يوم الدين الذي يملك الرحمة فيه ويملك العذاب في "فَيَوْمَئِذٍ لَا يُعَذِّبُ عَذَابَهُ أَحَدٌ وَلَا يُوثِقُ وَثاقَهُ أَحَدٌ" فتستشعر هذا



الخوف من الجليل فتقف أمامه وقفة إجلال وتعظيم وقفة إجلال وتعظيم
ثم تنتقل إلى السؤال. إلى هذا التوسل.

(إياك نعبد وإياك نستعين) هو ده لب الفاتحة يا إخوانا قلب الفاتحة لذلك
سفيان الثوري رحمه الله قال بعض السلف مررت على سفيان وهو يصلي
فقرأ الفاتحة فوصل إلى (إياك نعبد وإياك نستعين) فبكى واشتد بكاءه وظل
يبكي حتى بدأ الفاتحة من أولها مرة ثانية قال يمكن يعني إيه نعيها المرادي مش عارف
يعنيها لكن إياك نعبد وإياك نستعين وقاعد يبكي. فبيبكي ليه؟ هو ده لب الفاتحة هي
ده القضية الأساسية وهذا محور الحياة إياك نعبد وإياك نستعين فتستشعر أنك عبد لله
وأنك أنت مطلوب منك أن تعبد. إياك أن تكون كذاب في هذه الكلمة إياك نعبد ثم
تخرج من الصلاة فلا تعبد ولا تؤدي له حقاً إياك أن تكون كذاب في إياك نستعين
فأنت لا تتوكل عليه وإنما تتوكل على غيره في الرزق وفي الهداية وفي التوفيق وتتعلق
بالأسباب ولا تتعلق به سبحانه وتعالى فقولك إياك نعبد هو علاج للرياء وقولك إياك
نستعين هو علاج للإيه؟؟ للكبر والعجب أحسنت.

فالكلمة دي تضرب لك حاجتين في الحاجتين دول في واحدة فيهم بتدمر لك الصلاة
قبلها وأثناءها و حاجة فيهم بتدمر لك الصلاة بعديها. إيه اللي بيدمر قبلها وأثناءها؟
الرياء. وإيه اللي ممكن يبوظ لك الصلاة بعد ما تخلص؟ العجب. إنك أنت تعجب
بنفسك فتأتي إياك نعبد وإياك نستعين تقضي لك على الرياء وعلى العجب لأن إياك نعبد
تقتدي الإخلاص والإخلاص ضد الرياء وإياك نستعين يعني أنا أصلاً كل ده ليك وأنا
من غيرك مكنش عملت حاجة ولا صليت والله لولا الله ما اهتدينا ولا تصدقنا ولا
صلينا مش كده عجب إيه بقى؟ تطلع الصلاة تقول صلينا وعملنا واحنا ختمنا وسوينا
وصليت تهجد يا عم أقعد بقى إنت أصلاً في كل ركعة بتقول إياك نستعين تتكلم في
إيه؟ فلولا الله ما كنت أنت أصلاً ولا إهتديت تمام فلما تقرأ بالانفسية دي تنكسر بقى
انكسار فتستشعر الإخلاص وتستشعر الإيه؟ المسكنة والحاجة والفقر إلى الله سبحانه



وتعالى جَلَّ في علاه أيضاً تجد أنك تقول إياك نعبد طب إحنأ ليه مأ أقولش ليه إياك أعبد وإياك أستعين أُمأل أصلي لو حدي مع نفسي. **لا بد أن تستشعر إنك أنت مش لو حذك في هذا الطريق أولاً تستشعر إنك إنت مش لو حذك في غيرك كتير بيصلي فتشعر بالأنس.** دي أول حاجة تتخلص من الأنانية فإنت هتدعي للناس كلها دلوقتي إهدنا الصراط المستقيم فتعود أن تكون إيجابياً متفاعل مع الأمة حريص على المؤمنين رؤوف رحيم بهم.

فأنت تذكرهم في صلاتك تدعو لهم في صلاتك في آخر الصلاة هتقول السلام علينا وعلى عباد الله الصالحين. تشعر إن إنت مش لو حذك. أنت فرد في أمة محتاج إن إنت تكون بها رفيق رحيم حريص على الأمة يعني قلبك عليها شفيق على يعني أفراد هذا المجتمع وأيضاً تستشعر حاجة ثانية كأنك بتقول يا رب أنا لو كنت لو حدي مأ اتقبلش بس مع الجماعة إيه نعلي كلنا وخلاص هُم الْقَوْمُ لَا يَشْقَى بِهِمْ جَلِيسُهُمْ حديث إيه؟ جليسهم قلت له يا رب اقبلني معهم كده خلاص أنا لو حدي مأ اتقبلتش أنا لو على عبادتي أنا بس وإستعنت لو حدي مأ تعديش لكن إذا نظر الله إلينا جميعاً فلعله يرحمني ويدخلني مع في زمرة الإيه؟ هؤلاء المصلين. توفي مسلماً وألحقني بالصالحين. فتلبس جلاباب التواضع في هذا المقام. وجلاباب الرحمة بالمؤمنين. فهذا قولك **(إياك نعبد وإياك نستعين)** ثم تنتقل إلى قولك اهدنا الصراط المستقيم اهدنا الصراط المستقيم هنا بقي تستشعر الإجابة هذا لعبدي ولعبدي مأ سأل تشكر إنك إنت خلاص قربت مشاكلك كلها تتحل لأن الله يقول لك الآن لعبدي مأ سأل بس دا ياخوانا اللي بيصلي صلاة فعلاً بجد بقي صلاة كويسة كلها تتحل ولسه مأ بدأتش حاجة أنا لسه بقول بسم الله الرحمن الرحيم

بعد كده هتجد نفسك تقول اهدنا الصراط المستقيم. ممكن واحد يقول هو أنا بسأل إيه؟ يعني أنا دلوقتي في الحطة دي بسأل إيه؟ طب مأ أنا بصلي مش كده؟ أنا مسلم وبصلي. أنا أصلاً على الصراط الإيه؟ المستقيم. ده إيه؟ **نظرة قاصرة جداً** نظرة قاصرة.



ليه يا إخوانا ؟ إنك إنت في حاجات تانية كتير أصلاً إنك إنت محتاجها. تعالى أقول لك إنت بتسأل إيه ؟ أول حاجة إنت بتصلي مش كده؟ طب خارج الصلاة مش في معاصي أصلاً بتعملها؟ الهداية للصراط المستقيم أن يعافيك من المعاصي التي تفعلها خارج الصلاة إنت عندك ذنوب كتير بره الصلاة وإنت عارفها والصلاة ما غيرتنش لسه أنا محتاج عون ربنا عشان أبطل معاصي دي أول حاجة.

نمرة 2 طاعات لا تؤديها علي النحو التام. عبادات مفیهاش خشوع عبادات يعني مفیهاش تدبر. قراءة قرآن في سهوٍ وهو. صلاة مليئة بالإيه؟ بالخواطر والوساوس والأفكار. إيه؟ حج بمال به شُبْهة. صلاة لم تنهى عن فحشاء ومنكر. محتاج حتى اللي بتعمله إيه يتصلح فاللي إنت بتعمله مخروم محتاج يترقّع فده طلب تاني يبقى أنا طالب التوبة من المعاصي اللي بره الصلاة دي وطلب إن عباداتي اللي هي مخرومة دي الصيام المخروم والصلاة المخرومة دي تتصلح .

3 كذلك من الامور التي تطلبها في قولك اهدنا الصراط المستقيم عمل إنت تقدر عليه لكن مش عارف ليه مبتعملوش. حيل بينك وبينه طاعة معينة عايز تعملها من زمان نفسك تعملها ومفیش مانع يعني القدرة موجودة معايا فلوس أعمل عُمره طب معملش عُمره ليه مش عارف أقدر أصحى أصلي الفجر ما بتصليش ليه؟ مش عارف. ممكن البس حجاب واسع يعني أهلي حتى في البيت موافقين ومش مفیش حد مانعني عادي يعني بس المشكلة فيا. طب انا ما بعملش كده ليه؟ مع إني عارفة إن ده لازم أعمل كده. مش عارف. مبصليش في المسجد ليه؟ ما تحت البيت وأنا فاضي. مش عارف. يبقى ده اسمه عمل إنت تقدر عليه لكن تجد في نفسك عجز في الإرادة. عجز الإيه؟ في الإرادة.

فأنت بتقول اهدنا الصراط المستقيم يعني ارزقني الإرادة على العمل اللي أقدر عليه أنا قادر عليه ما عنديش عذر بس مش عارف ما اعملوش ليه بقى لي سنين بكلم نفسي




عارف ليه؟ لأن إنت فعلاً بتكلم نفسك لم تستعن به في ذلك العمل. لو استعنت به صح وقلت إهدنا الصراط المستقيم دي صح يمكن ربنا يلهمك الإرادة ويرزقك الإيه؟ الإرادة دية.

4 وتطلب إيه تاني؟ بتطلب حاجة إنت عايزها بقى ومش قادر عليها. واحد نفسه يحج بس معهوش فلوس نفسه يعتمر بس معهوش فلوس نفسه يعمل خير كثير بس ما عندوش وقت نفسه يطلب علم بس مشغول في الرزق وفي متاعب الحياة والعيال والشغلانة الصبح وشغلانة ليل نفسه يحفظ قرآن بس المذاكرة حاجة نفسك تعملها بس مش قادر عليها إهدنا الصراط المستقيم يعني يا رب الي مش قادر عليه قدرني عليه

5 طب الي أنا قادر عليه وأريده وبعمله بالفعل وبعمله صح إهدنا الصراط المستقيم يعني ارزقني الثبات عليه حتى الي إنت بتعمله صح في إهدنا الصراط المستقيم في أن هو داخل في إهدنا الصراط المستقيم وهو طلب الثبات بقى. يا رب ثبتني بقى للآخر على الإيه؟ على الي أنا بعمله دوت. شفت بقى. إهدنا الصراط المستقيم الي أنت بتقول إيه وأنا بطلب إيه؟ حاجات كثير. حاجات كثير. الصراط المستقيم صراط الأنبياء والصالحين صراط الذين أنعمت عليهم.

صراط الذين أنعمت عليهم. فتشعر بقى إنك إنت داخل في زُمرة هؤلاء تقعد تفتكر بقى الصالحين تفتكر الأنبياء وتفتكر التابعين وإنك إنت الآن بتطلب الصراط بتاعهم الصراط الذين أنعمت عليهم وتنسب الفضل إلى الله صراط الذين إيه؟ أنعمت عليهم ترجع تاني تنكسر ترجع تاني تتدل ترجع تاني ما تعجش بنفسك وتذكر أن حتى النبي عليه الصلاة والسلام ربنا أنعم عليه بالصراط المستقيم فكيف بي أنا وقد أنعم على الصحابة وأنعم على التابعين ده أنا أحوج إلى التوفيق وأحوج إلى الفقر لأنني أبعد.. الله المستعان فينتزع منك هذا الأمر. الغرور والرياء (**صراط الذين أنعمت عليهم**) **تصحح لك المفاهيم ما هي النعمة الحقيقية؟** الإنسان لما يتعامل مع ربنا يا إخواننا



بيقول لك يا رب ويقعد يدعي ربنا إيه؟ يا رب يكرمني يا رب ويتوقع المتوقع الي هو إيه دلوقتي العطايا الدنيوية مستني بقى إيه فلوس مستني عروسة حلوة مستني مش عارف شقة واسعة مستني بقى إيه يترقى يجيب درجة في الامتحان عالية يحصر النعم في الإيه؟ في الأمور ديت.

ولا يشعر إن ربنا أنعم عليه بنعم كثير ولا يدري هذه الصلاة هي النعمة.

ولما إنت بتقول صراط الذين أنعمت عليهم بتطلب إيه تطلب إيه؟ تطلب صراط هؤلاء. إيه الحاجة الي اشتركوا فيها كلهم؟ **الهداية**. وإلا فكان منهم الفقير وكان منهم الغني صح؟ كان منهم الضعيف كان منهم القوي.

يبقا أنا إذا مش بسأل أمر إيه؟ دنيوي النبي عليه الصلاة والسلام لو إنت بقى بتطلب تطلب دنيا الأنبياء استحتمل بقى كان النبي عليه الصلاة والسلام يربط الحجر والحجرين على بطنه. وقال عمر رأيت النبي عليه الصلاة والسلام يتلوى وما له طعام إلا الدقل الي هو التمر الرديء وكان لا يوقد في بيته نار عليه الصلاة والسلام بالشهر والشهرين وكان عامة طعامه الماء والتمر عليه الصلاة والسلام اطلب بقى دي لا تحتمل هذا الأمر لا تحتمل هذا الأمر لكن إنت تطلب الهداية على أي حال بقى غني فقير قوي ضعيف **الي تيسر لي أنا راضي به**. لكن الملووش حل ده إن أنا مكنش مهتدي ده الي لازم يتغير ده لازم يتغير صراط الذين أنعمت عليهم غير المغضوب عليهم ولا الضالين...

المغضوب عليهم هم لي علموا الحق وتركوه على علم

والضالين هم الذين حاروا وتاهوا ولم يهتدوا إلى الحق ومش عارفين .

هم بيعتقدوا إن هم الي عليه حق. عندهم شبهات وعندهم مشاكل وما طلبوش العلم فهو فاكِر إن هم بيعملوا صح فده بيسمى إيه؟ ضال. لكن الثاني عارف إن هو الي بيعمله غلط بس هو مش عايز يعمل حق. ده اسمه إيه؟ **مغضوب عليه**.



لذلك كان النبي عليه الصلاة والسلام قال المغضوب عليهم هم اليهود عارفين كويس لكن التانيين مش فاهمين أي حاجة قال والضالين هم الإيه؟ النصراري فدل حائرين خدعهم الأحبار والرهبان أما اليهود فهم أهل علم عارفين كويس إن هم الي عليه باطل يعرفونه كما يعرفون إيه؟ أبنائهم فانت بتطلب الاتنين يا رب لا أكون لا مغضوب عليا ولا ضال يعني إيه؟ يا رب ما تقولش مش معنى إن مغضوب عليهم يا رب ما يكونش يهودي ولا نصراني. المعنى أوسع من كده.

يا رب ما فيش حق أعرفه إلا وألتزم به. يا رب ما يكونش في حاجة صح عارفها وساييها وأنا عارف إن هي صح. يا رب ما يكونش في حاجة غلط وعارف إن هي غلط. وأفضل مصمم أعملها غلط. وأنا عارف اتحسب من المغضوب عليهم الذين عرفوا الحق وإيه؟ وتركوه. أو العكس يا رب أو الثانية بقى يا رب ما يكونش من الضالين. أنا أكون فاكِر إن الي بعمله صح وهو غلط أو أنا شايف حاجة غلط وهي أصلاً صح فاللهم أرنا الحق حقاً وارزقنا إتباعه وأرنا الباطل باطلاً وارزقنا إجتنايه.

ما تكونش فاكِر إن إنت الي صح إيه المشكلة؟ لا ده أنا حجابي مفيهوش مشكلة. ده هو ده الصح. ما بلاش تشدد. وهي مش فاهمة حاجة. مش عارفة إن ما كان هذا حال السلف ولا حال زوجات النبي عليه الصلاة والسلام ولا حال الصحابييات هي بتبص للي حوالها بس. وبتتهم الباقيين بالتشدد وإنت فاكِر طب إيه المشكلة يعني إيه مشكلة مسمع الواحد يسمع موسيقى يعني ولا مش عارف إيه المشكلة يعني مفيش حاجة مفيش حاجة حرام في ناس بيقولوا حلال اطلب العلم إسأل كويس قبل ما تتسرع عشان متقعش في محرم فتكون من الضالين الذين حادوا عن الحق ولم يفقهوا ولم يعلموا بعد ذلك يقول الإنسان أمين يقول اللهم استجب وبعد كده بقى إيه يعيش بقى في الإيه؟ في النعمة دي لوحدها نعمة.



قال النبي عليه الصلاة والسلام "ما حسدتكم اليهود على شيء كما حسدتكم على السلام والتأمين" والتأمين لأنك إنت بتقول آمين دي اليهود بتحسدك عليها فكيف بالصلاة نفسها إذا كان بيحسدوك علي قول آمين فمن وافق تأمينه تأمين الملائكة غُفر له ما تقدم من ذنبه ثم يخر الإنسان راکعاً بين يدي الله سبحانه و تعالي والركوع هو خضوع بالجسد يعني إنت إيه هيئة خضوع بالجسد لذلك من الحاجات الجميلة من العرب كانت ترفض الركوع ما يركعوش أبداً العرب بالذات. كان لا يركع أبداً كان الأعاجم يركعوا يركعوا للملوكهم ويركعوا البتاع. العرب مكشش يركع أبداً مهما كان الموضوع. ده من بالنسبالة الخط أسود مش أحمر مينفعش واحد عربي يركع أبداً لانه عارف إن الركوع ده مقام ذل وكان الرجل العربي يموت وما يركعش لحد.

لذلك من الحاجات اللطيفة إن كان أحد الملوك الظالمين يعني كان عايز يذل أحد العلماء فقال لهم قولوا له إن أنا عايزه ولما يجيني يخلي بيني وبينه باب واطي بحيث إنه يضطر إذا دخل لي إيه؟ يركع فيذله يعني فوصل العالم إلى الموضوع ده لقي الإيه؟ الباب القصير دوت ففهم إن هو عايز يذله فأبي أن يفعل ذلك. فراح لف الظهر ودخل يلا بقى عيش بقى أهانه إيه إهانه وحشة جداً يعني دخلوا إيه دخلوا يعني راکع بس إيه بضهره يعني الله المستعان. فكان العرب يأبون الركوع. فاعرف شرف هذا الأمر أنك لا تتركع لأحد إلا لله.

ما زال العرب لا يركعون لأحد حتى في شركهم كانوا لا يركعون لأحد. إنما كان الركوع لله سبحانه وتعالى. ذلك بعض العرب كان يأتي النبي صلى الله عليه وسلم يباعه على الاسلام يقول بشرط ألا اركع.يقوله لا مينفعش ده هو ده الشغل الي هي دي اساس الأساس الي هو ده الخضوع والذل سواء نفسيته مش قادر يركع حتى لله مش عارف مش قادر يبقى إنت لسه مش عبد إن إنت تتركع لله مش إنك إنت مش عايز تتركع خالص لا إحنا مش عايزينك تتركع لحد. لكن الشرف إنك أنت تتركع لمن يستحق



أن يُركع له الجليل سبحانه وتعالى خذ بقى الهيئة ذل وقبلها تكبير الله أكبر برضو بتديك إيه؟ إنطباع قبل ما أنزل الله أكبر والذكر الي هتقوله في الركوع بيزود الموضوع على الآخر لأن النبي عليه الصلاة والسلام قال بقى في الركوع بالذات عظموا فيه الرب وأما السجود فأكثرُوا فيه من الإيه؟ الدعاء يبقى النبي عليه الصلاة والسلام قال لك في الركوع أذكارك تبقى تعظيم كلها وفي السجود أذكارك تبقى إيه دعاء ليه؟ لأن الركوع مقام ذل جامد مناسب للإيه؟ مناسب للتعظيم والسجود أقرب ما يكون العبد من ربه وهو إيه؟ ساجد فمناسب معه إيه؟ السؤال والدعاء والمسألة .

فلذلك بقى اذكرك ركوع اسمعها كده إيه؟ مع نفسك من غير شرح قال النبي في الركوع: سبحان ذي الجبروت والملكوت والكبرياء والعظمة اللهم لك ركعت وبك أمنت ولك خشع لك سمعي وبصري ونخي وعظمي وصُلبي سُبوح قدوس رب الملائكة و الروح سبحانك اللهم وبحمدك اللهم أغفر لي. فتستشعر بقا إيه؟ أصل إنت لو مش حافظ أذكرك الركوع العملية مش هتكمل معاك.

أحفظلك واحد أو اثنين تشعر بقى فيه تعظيم للرب وتنزيهه سبحانه وتعالى عن كل نقص وعن كل عيب لكن ممكن تلاحظ في الأخير الي أنا قلته ده إن فيه مسألة سبحانهك اللهم ربنا وبحمدك اللهم اغفر لي ما هي لازم الحتة دي ليه لأنك إنت كأنك بتقول يا رب إنت مع عظمتك ورغم جنايتي على عظمتك و لكنك دائماً تغفر لي الملك كلما زادت عظمته كلما عظمت الجريمة في حقه مش كده؟

إنك أنت تعصي ملك صغير غير تعصي الملك الكبير بتاعك لملك كبير أوي ما بالك بالله سبحانه وتعالى فقد يستشعر الإنسان مع كثرة التعظيم باليأس كل ده إيه ده وأنا عصيت هذا الملك العظيم ممكن لا جمع النبي بين إيه؟ التعظيم وإيه وواحدة كده إستغفار علشان يفتح لك باب الرجاء هو مع عظمته يغفر لا تقلق.



استعد بقى إيه سَخَنَ للسجود علشان هنطلب طلبات كتير بعد كده بتعتدل بقى اللهم ربنا سمع الله لمن حمده تستشعر إن إنت اتقبلت خلاص سمع يعني استجاب سمع الله لمن حمده المفروض بقا أكمل بقا حمداً كثيراً طيباً مباركاً فيه مباركاً عليه كما يحب ربنا ويرضى.

كان النبي عليه الصلاة والسلام يقول: ربنا ولك الحمد ملئ السماوات وملئ الارض وملئ ما بينهما وملئ ما شئت من شيء بعد.. أهل الثناء والمجد أحق ما قال العبد وكلنا لك عبد تقول اللهم لا مانع لما أعطيت ولا مُعطي لما منعت يحصلك إيه يا إخوانا خلاص قمة الثقة قمة التوكل لا تقلق على رزقك ولا تخف من ذي سلطان... لا مانع لما أعطيت ولا مُعطي لما منعت ولا ينفع ذا الجد منك الجد يعني إيه ذا الجد؟ يعني الناس الي عندهم سلطان و مال كل دا مينفعش يوم القيامة آمال إيه الي ينفع بس يا إخوانا؟ العبادة .

فتلغي الكلمة دي كل حاجة إلا العبادة خلاص لا هينفعني مال ولا هينفعني ولاد ولا ينفعني سلطان ليس لي إلا الله سبحانه وتعالى ثم بعد الحالة دي بقى تروح إيه؟ تخر ساجداً إلى أشرف مقامات الصلاة. يكفي في شرف السجود أن الله سبحانه وتعالى جعل علامة هذا الأمر في الوجه هو أشرف الأعضاء. قال تعالى "سِيَاهُمْ فِي وُجُوهِهِمْ مَنْ أَثَرِ السُّجُودِ"

ما معني سياههم...زبيبة الصلاة؟ لا ف ناس فاكرها كدا وواحد زبيبة كدا كبيرة الله ينور ما شاء الله سياههم في وجوههم.

لا يخويا مش هي دي مش هي دي خالص الزبيبة دي بتبقى مشكلة أصلاً في الجلد يعني الي جلده سليم مش هتحصل له إيه المشكلة ديت يعني في ناس بيطلع له الزيب دي في ركعتين يعني في واحد يقعد طول حياته يحك دماغه يا عيني في في الاسفلت مش عايزة تطلع هي كده هي دي بقى ظروفها يعني مش دي السيمة يا إخوانا .

قال مجاهد : سيماهم في وجوههم الخشوع بيان عليه

وقال آخرون: هو نورٌ وبهاء يعلو وجه الساجدين.

قيل للحسن: ما بال الساجدين أحسن الناس وجوهاً قال لأنهم خلوا بالرحمن فكساهم نوراً من نوره.

بيان عليه بقى وشه كده تشوفه تستريح له تشوفه تحس عليه بهاء السجود يكفي في شرف السجود إن له أثر يوم القيامة أنتم الغر المحجلون يوم القيامة وإن الناس تعرف الناس في حتى الي دخلوا النار يعرفون بآثار الإيه؟ السجود.

والنار تحرق في ابن ادم كل شيء إلا آثار السجود السجود مقام ذل وافتقار. إنزل بقى كده واستمتع استمتع بقى حط جبهتك وحط مناخيرك ودوس جامد وتكة بايدك وبركبتك وبرجلك متسكفش متبقاش تحط جبهتك كده ومطلع مناخيرك فوق سجود إيه ده اخويا السجود ده مش أصلاً فاسد أصلاً هي مش مقبول لأن لازم تسجد على الأنف لا بد أن الأنف تمس الأرض هي دي أهم حته تمس الأرض مناخيرك تتمرمغ في التراب لكن لله.

هذا مقام العز الحقيقي لأنك تذلل نفسك لمن يستحق أن يذل له سبحانه وتعالى بدل ما ربنا يذل لك لغيره اتذل له هو اكرم لك فان الذل له عزة جل في علاه فتقعد مع إيه تتك كده وأنت إيه مبسوط أوي ومستمتع بالإيه؟ بالشكل دوت وتستشعر إن ما من بقعة كما قال عطاء الخرساني : "ما من عبد يسجد لله سجدة في بقعة من بقاع الارض إلا شهدت له يوم القيامة وبكت عليه يوم يموت"

استشعر أيضاً القرب من الله (واسجد واقترب) أقرب ما يكون العبد من ربه وهو ساجد لذلك الإنسان بقى يُكثر من الإيه؟ الدعاء أنت أقرب ما تكون الآن أنت أقرب ما تكون من الملك أطلب بقى دلوقتي يلا أعيش أطلب الي إنت عايزه لذلك أخونا الي بيقترب من حبيب يبقى مش عايز يسيبه مش كده الي بيشتع إن هو قريب أوي من



حد بيحبه يقول لك أنا إيه أتمنى قربه ما اقدرش أبعد عنه مش كده؟ هذا في الحب لغير الله سبحانه وتعالى فكيف بحب الله جل في علاه؟ لذلك كان السلف في السجود ده بالذات العملية بتطول معهم أوي يعني يكاد الرجل منهم لا يريد أن يقوم من السجود.

سفيان الثوري رحمه الله قال بعضهم مررت على سفيان وأنا أطوف بالبیت بعد صلاة المغرب فسجد فما قام من سجده حتى أذن للعشاء قعد له مثلاً

إيه؟ حوالي ساعة كده ساعة وربع كده ساجد ساجد بس من الصلاة اومال الصلاة بقيتها راح فين هو مش قادر يقوم أصلاً شعر بالقرب من الله سبحانه وتعالى كذلك تستشعر أنك ملهوف ضائع تائه وأنت الآن قريب ممن في يده كل الحلول .

فصل سؤال الضائع الملهوف التائه الذي ليس له إلا الله سبحانه وتعالى اجتهد في الدعاء. قال النبي عليه الصلاة والسلام : **وَأَمَّا السُّجُودُ فَاجْتَهِدُوا فِي الدُّعَاءِ فَإِنَّهُ قَمِينٌ أَنْ يُسْتَجَابَ لَكُمْ** يعني حق أن يستجاب لكم استشعر أن أوزارك تُحط الآن لأن النبي عليه الصلاة والسلام وصف الي هي يسجد أن إيه؟ أوزاره تتحط على كتفه على دماغه فكلما ركع او سجد سقطت ذنوبه أنت في مقام عز وافتخار فجمّل و كلل هذا المقام بالبكاء **خَرُّوا سُجَّدًا وَبُكِيًّا ... (وَيَحِرُّونَ لِلْأَذْقَانِ يَبْكُونَ وَيَزِيدُهُمْ خُشُوعًا)** استشعر النصر علي الشيطان إن الي إنت بتعمله ده ما يعملوش الشيطان وهو بيكرهك كره العمى لما بتعمل دي بالذات لأنه يقول كلما سجد ابن آدم كما قال النبي صلى الله عليه وسلم يقول: **يَا وَيْلَى أُمَرَ ابْنُ آدَمَ بِالسُّجُودِ فَسَجَدَ فَلَهُ الْجَنَّةُ ، وَأُمِرْتُ بِالسُّجُودِ فَأَبَيْتُ فَلِيَ النَّارُ.**

بعد كده بقى تقول الأذكار الجميلة الي كلها طلبات بقى تبدأ الأول سبحان ربي الأعلى عشان إنت فتحت خالص أسفل مقام ليك ومناخيرك في التراب مناسب إنك قلت سبحان ربي الأعلى وكان في الركوع مناسب تقول سبحان ربي العظيم لأن مقام ذل وخضوع.



قول بقى اللهم أغفر لي ذنبي كله دقه وجله أوله وآخره علانيته و سره
اللهم أغفر لي خطيئتي وجهلي وإسرافي في أمري و ما أنت أعلم به مني
اللهم أغفر لي ما قدمت و وما أخرت و ما أسررت و ما أعلنت اللهم لك
سجدت وبك آمنت ولك أسلمت اللهم إني أعوذ برضاك من سخطك
وبمعافاتك من عقوبتك أعوذ بك منك لا أحصي ثنائاً عليك عيش بقى
واطلب ما تريد. استشعر كل مشاكلك وكل همومك وكل طلباتك واطلب
من الله سبحانه وتعالى.

ثم ارفع رأسك واجلس بين السجدين واجثوا على ركبتيك. تستشعر إن إنت بعد
السجدين إيه؟ قاعد كده على ركبتيك جاثي. تذكر في هذا المقام **وَتَرَى كُلَّ أُمَّةٍ جَائِيَةً ۚ**
كُلُّ أُمَّةٍ تُدْعَى إِلَى كِتَابِهَا أن أنت الآن تجثوا أمام الله بس المقام الثاني مقام المذنبين الي
بيستنوا حكم الإعدام عارف الأسرى في الحرب بيقعدوا إزاي يقعدوا زيك كده بين
السجدين يقعد بس هو مستني إيه مستني الإعدام خلاص يقول له تعالى او هيرشوهم
وهما قاعدين كده وخلاص خصوصاً إن إنت قدام الي يملك إن هو يعدمك وأنت
الآن هتقول له إحنا قولنا أي بين السجدين يا جماعة؟

تقول رب أغفر لي وارحمني وارزقني وعافني واهدني. ربي أغفر لي. ربي أغفر لي تحس
إنك إنت لو لو متقبلش الدعاء ده هتتعدم. وهتقعد القعدة دي يوم القيامة ساعتها
مفيش أي حاجة تنفعك. القاعدة دي تنفعك دلوقتي. والذل ده ينفعك دلوقتي. لكن
ذل يوم القيامة ما ينفعكش وإلا **"وَخَشَعَتِ الْأَصْوَاتُ لِلرَّحْمَنِ فَلَا تَسْمَعُ إِلَّا هَمْسًا"**
لكن مين ينتفع بالذل ده؟ خلاص الي اتذل هناك **"وَقَدْ كَانُوا يُدْعَوْنَ إِلَى السُّجُودِ وَهُمْ**
سَالِمُونَ" فأنت الآن ممكن تتذلل وينفعك الذل فأقعد قعدة الإيه؟ الأسير الذي ينتظر
حكم السجن عليه وييده أن يرحمه تقول ربي اغفر لي رب أغفر لي حتى الكلمة الجميلة
الدعاء الثاني اللهم أغفر لي وارحمني وارزقني واهدني جمع خيري الدنيا والاخرة ليه؟



لأن إنت عايز أربع حاجات **تطلب خير الدنيا ودفع شر الدنيا وتطلب خير الآخرة ودفع شر الآخرة طيب اللهم أغفر لي** دي إيه؟ دفع شر الآخرة إهديني طلب خير الآخرة **ارزقني** طلب خير في الدنيا **عافني** طلب دفع ضرر الدنيا **ارحمني** شملت كل دوت ده طلب بقى عام بيضم كل شيء وبعد كده السجدة الثانية زي الأولى طب ليه السجود مرتين والركوع مرة إفهم السجود أهم من الركوع. السجود أشرف مقامات العبد. عشان كده أكثر ركن بتعمله في الصلاة هو إيه؟ السجود. ثم تجلس بعد ذلك بقى بيتكرر تلاقي نفسك بتكرر ركعتين ثلاثة أربعة بنكرر ليه؟ لعدة معاني.

المعنى الأول أن المريض لا يشفى من جرعة واحدة من الدواء. مش كده؟ لازم تاخذ الإيه؟ يقول لك لازم الدواء ده تاخذ ثلاث أيام ما ينفعش كذلك الصلاة لازم نقعد نكرر الله اكبر نتقال كم مرة كم سجود؟ كم ركوع؟ الدواء لازم يتكرر عشان يجيب أثره. يعني أول ركعة تجيب معاك حته تاني ركعة تزود تطلع من الصلاة خلصت دي أول حاجة.

المعنى الثاني إن إنت كأنك بالركعة الثانية بتشكر الركعة الأولى وبتصلي الثالثة عشان تشكر الثانية صلي الرابعة عشان تشكر الثلاث ركعات الي فاتوا

المعنى الي بعد كده إنك إنت بتتوب في الثانية من الي عملته في الأولى وتحسن الأداء تقول يارب إن شاء الله الركعة الثانية تكون أحسن من إيه من الأولى يا رب سامحني بالي هعمله في الثانية من الي عملته في الأولى فكل ركعة بتديك فرصة ثانية تصلح الي فات.

ثم بعد ذلك تجلس للشهد وتقول التحيات التحيات لله هذا الذي يليق بالله أن تحيي الملك **فكل إنسان يعني وقف عند ملك لا بد أن يحيه** فالذي يليق بالله أن يقول إنسان التحيات. والتحيات من الحياة. والله تعالى هو الذي له الحياة الأبدية فلا يفني ولا يبيد



سبحانه و تعالي. فالتحيات يعني لك دوام الحياة أنت الذي تبقي و كل ما عاداك يهلك و يفني ؛ لذلك إحنا بنحيي ع بعض بنقول السلام عليكم و إذا القينا التحية علي الله قلنا التحيات .

الصلوات يعني لك الصلاة لا لغيرك. خذ بالك إنت بتخلص إزاي والطيبات. الطيبات دي تحمل معنيان طيبات يعني لك كل طيب. ففعلك طيب وقولك طيب ولا يصدر عنك إلا طيب. وأنت طيب وتحب الطيب وسكان دارك الطيبين ولا يقرب منك إلا طيب. ولا تقبل إلا طيبا، الطيبات يعني لك العمل الذي تقبله هو ما كان طيب فلك الطيبات فقط أما الخبيث فلا تقبله وأما الذي ليس بطيب من قولٍ أو فعلٍ فلا تقبله تستشعر إن إنت إيه بنخلص يا رب خلي صلاتي طيبة عشان إيه تتقبل الصلوات التحيات لله و الصلوات و الطيبات.

ثم بعد ذلك تنتقل إلى السلام .. السلام عليك أيها النبي ورحمة الله وبركاته صلى الله عليه وسلم فتستشعر أن للنبي عليك حق أن تسلم عليه في كل صلاة لعظيم حقه عليك إذا قال قول النبي عليه الصلاة والسلام إِنَّ فَضْلَ الْعَالَمِ عَلَى الْعَابِدِ كَفَضْلِ الْقَمَرِ لَيْلَةَ الْبَدْرِ عَلَى سَائِرِ الْكَوَاكِبِ فكيف بفضل النبي عليه الصلاة والسلام على العلماء وعلى العباد؟ فكل خير أتى من قبله عليه الصلاة والسلام فجزاه الله عنا خيراً فاستحق أن يُفرض له سلامٌ مستقل استشعر أنك أنت لا تقول السلام على النبي لما تقول **السلام إيه؟ عليك أيها النبي فكأنك تخاطبه وتستشعر أنه يسمعك ويرد عليك.**

قال النبي: **ما من أحدٍ يسلمُ عليَّ إلا ردَّ الله عليَّ رُوحِي حتَّى أَرَدَ عَلَيْهِ السَّلَامَ.** السلام عليك أيها النبي ورحمة الله الرحمة أن يرفع قدر النبي عليه الصلاة والسلام وأن يزيده فضله و بركاته والبركة هي الثبات هذه الرحمات .

وزيادة هذه الرحمات السلام علينا وعلى عباد الله الصالحين تستشعر هذا الحاجة إلى أن تلتحق بالصالحين وأن تسير على ضربهم وتستصحب صحبتهم وبالتالي تطلع من



الصلاة تقطع مع كل صحابك ده أحد تطبيقات التشهد. السلام علينا وعلى عباد الله الصالحين. فتطلع تلاقي اصحابك كلهم إيه؟ مش صالحين. هتروح تروح إيه؟ تدور على ناس غيرهم يعني. هتستشعر أهمية الصلحة الصالحة. وإن إحنا بنطلع بالصلاة دي مع بعض كده بقى. الصالحين. فتستشعر أن هذا السلام يصل إلى كل عبد في السماوات وفي الأرض.

قال النبي عليه الصلاة والسلام: **فإنكم إذا قلتم ذلك أصاب كل عبد في السماء والأرض.**

وبعد كده تنتقل إلى التشهد أشهد أن لا إله إلا الله وحده لا شريك له وأشهد أن محمداً عبده ورسوله **دائماً ختام الأعمال بالتوحيد نافع من كان آخر كلامه في الدنيا لا إله إلا الله إيه؟ دخل الجنة؛** لذلك بعد الوضوء بتقول إيه؟ أشهد أن لا إله إلا الله وأشهد أن محمداً رسول الله اللهم أجعلني من التوابين وأجعلني من المتطهرين وترفع السبابة في المقام دوت أو من أول التشهد وتستشعر إن أنت بتكمل على الشيطان بقى إنت أصلاً ذليته كم سجدة تذلل بها وبعد كده ذليته بذكر أشرف الخلق وألد أعداءه وأغبط رجل على وجه الأرض وهو الرسول عليه الصلاة والسلام وبعد كده بقى تدي له على دماغه بقى ذكر النبي عليه الصلاة والسلام السبابة في التشهد. قال : **لَهِىَ أَشَدُّ عَلَى الشَّيْطَانِ مِنَ الْحَدِيدِ.**

يعني إنت وإن بتحرك السبابة كده هي على الشيطان أشد من الحديد ومن المطارق عليه لعنة الله ثم تصلي على النبي عليه الصلاة والسلام فتزيد الشيطان غيظاً وكيداً للصلاة والسلام على رسول الله عليه الصلاة والسلام وتطلب الصلاة عليه كما صلى الله على إبراهيم وعلى آل إبراهيم له الصلاة الكاملة **لماذا إبراهيم؟** لأن إبراهيم أبو الأنبياء قالوا كل الأنبياء من آل إبراهيم إذا طلب الإنسان الصلاة على نبيك كما صلى على إبراهيم وعلى آل إبراهيم فقد طلب له الصلاة التي على إبراهيم وعلى جميع الإيّه؟ الأنبياء .



فيجتمع للنبي عليه الصلاة والسلام أكمل صلاة لأنها الصلاة إبراهيم وعلى إيه؟ وعلى آل إبراهيم يعني على كل الأنبياء والصالحين. لأن كل الأنبياء كانوا من نسل إبراهيم عليه وعلى نبينا الصلاة والسلام. وتطلب كذلك الصلاة على آل النبي عليه الصلاة والسلام إحقاقاً لحقه. **فإن من حق النبي أن يكرم آل النبي عليه الصلاة والسلام** ثم تحتّم بقولك إنك حميد يعني تستحق المحامد مجيد عظيم من قدرك ثم تنتقل إلى الاستعاذة. قال النبي عليه الصلاة والسلام: **إِذَا فَرَغَ أَحَدُكُمْ مِنَ التَّشْهَدِ فَلْيَسْتَعِذْ بِاللَّهِ مِنْ أَرْبَعٍ يَقُولُ: اللَّهُمَّ إِنِّي أَعُوذُ بِكَ مِنْ عَذَابِ جَهَنَّمَ، وَمِنْ عَذَابِ الْقَبْرِ، وَمِنْ فِتْنَةِ الْمَحْيَا وَالْمَمَاتِ، وَمِنْ شَرِّ فِتْنَةِ الْمَسِيحِ الدَّجَالِ.**

ليه الأربعة دول لأن الأربعة دول هم نتيجتين والوسائل بتاعتهم.

إيه النتيجة عذاب قبر وعذاب جهنم. تستعيز بالله من نتيجتين عذاب جهنم وعذاب القبر. طب إيه اللي يؤدي إليها؟ إما فتنة في محيا أو فتنة ممات.

وهي إيه هي أعظم فتنة في الحياة؟ هي فتنة المسيح الدجال. فيتسعيز الإنسان من النتيجة ومن السبب جهنم من عذاب القبر من أسباب ذلك فتنة المحيا أن يفتن بسبب المال بسبب الأولاد بسبب الزوجة.

فتنة الممات أن يأتيه الشيطان عند الموت فيفتنه أو أن يُفتن الفتنة الكبرى في الحياة وهي فتنة المسيح الدجال وهي أخطر فتنة مرت على الدنيا ثم يسلم ويقول بقى هنا كلام جميل وأقصد عند التسليم السلام على الملائكة والحاضرين وأنوي به ختم الصلاة واستشعر شكر الله سبحانه على توفيقه لإتمام هذه الطاعة وتوهم أنك مودّع لصلاتك هذه وأنتك ربما لا تعيش لمثلها ، **ثم أذق قلبك الوَجَل والحياء من التقصير في الصلاة.** وخف أن تُرد عليك واخشى من عدم القبول رغم أخذك بكل أسباب القبول فربما كنت ممقوتاً

بذنّب ظاهر أو باطن. وأنت لا تعلم فترد صلاتك في وجهك ويذهب
تعبك ادراج الرياح.



استشعر بقلبك الحزن لإنصرافك من بين يدي الله إلى أشغال الدنيا
والعلائق والشواغل التي استرحت منها ساعة وقوفك بين يدي ربك وقد
ذاق قلبك ويلتها قبل دخولك إلى الصلاة حتى عاين لذة القرب ونعيم
الإقبال على الله واذكر معافاتك منها مدة الصلاة ثم استشعر أنك راجعٌ
إليها بتسليمك **لذلك إحمل هم إنقضاء الصلاة وحزن لفراقها** فإنك تنصرف من مناجاة
من كل سعادتك في مناجاته إلى مناجاة من كل الأذى والهم والغم والنكد في مناجاته .
لن يشعر بذلك من كان إلا من كان قلبه حياً معموراً بالآيمان وأما الأموات فهيهات
هيهات أن يفهموا هذه الكلمات أو يعرفوا طعم العذب الفرات هذه الصلاة الجميلة .

وأنا كنت نصحتكم بآيه كتاب أول مرة اصلي للدكتور خالد أبو شادي ومعنا كتاب
آخر كيف نذوق حلاوة الصلاة للدكتور هشام عبد الجواد الزهيري عموماً كل كتابات
الدكتور خالد أبو شادي أو الدكتور هشام عبد الجواد هي كتابات رائعة جداً في كل
الأشياء فمن رأى أي كتاب لخالد أبو شادي أو هشام عبد الجواد فليشتري ففيه النفع
الكبير الجرم وأخيراً بعد هذين الدرسين لابد أن ترفع أنت الشعار لن يغني عنك درسي
شيئاً ولا أنفعك بشيء لابد أن ترفع شعار ليرين الله ما أصنع فإذا لم تفعل ذلك لا
تنفعك كلمات ولا تنفعك دروس الأمر إليك فأفعل ما سمعت واجتهد. الأمر ده
هياخذ وقت هياخذ وقت. **إحنا قلنا من القواعد الصلاة المرة اللي فاتت لا تياس**. ممكن
الموضوع ده هياخذ منك وقت طويل عشان تبتدي تحسن. ومجاهدة طويلة ما فيش
مشكلة ده مشروع حياة.

اجتهد في حياتك والله تعالى يغفر لك أثناء المجاهدة التقصير (وَالَّذِينَ
جَاهَدُوا فِينَا لَنَهْدِيَنَّهُمْ سُبُلَنَا). نسأل الله أن يرزقنا الصلاة الخاشعة اللهم
إنا نعوذ بك من قلبٍ لا يخشع ومن عينٍ لا تدمع ومن نفسٍ لا تشبع ومن
دعاءٍ لا يُرفع اللهم إنا نعوذ بك من هؤلاء الأربعة أقول قولي هذا وأستغفر
الله لي ولكم والسلام.

ولا تنسونا من صالح دعائكم؛

لا تنسونا من صالح دعائكم